

ՄԱՐԶԻ ԾԱՂԿԱԾԵՆ ՀԱՄԱՅՆՔԻ ԱՎԱԳԱՆՈՒ ԵՎ ՀԱՄԱՅՆՔԻ ՂԵԿԱՎԱՐԻ
ԳՈՐԾՈՒՆԵՌԻԹՅԱՆ ՎԱՐՉԱԿԱՆ ԵՎ ՖԻՆԱՆՍԱԿԱՆ ՀՍԿՈՂՈՒԹՅԱՆ
ԱՐԴՅՈՒՆՔՆԵՐԻ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 77¹, 77², և 77³ հոդվածների և Հայաստանի Հանրապետության Նախագահի 1997թ. մայիսի 6-ի ՆՀ-728 հրամանագրի 1.6 կետի դրույթներով

որոշում եմ՝

1. Առաջարկել մարզի Ծաղկաշեն համայնքի ղեկավարին՝
 - 1) տեղական ինքնակառավարման մարմինների կողմից ընդունվող իրավական ակտերը (որոշումներ, կարգադրություններ) համապատասխանեցնել «Իրավական ակտերի մասին» Հայաստանի Հանրապետության օրենքի պահանջներին.
 - 2) տեղական ինքնակառավարման մարմինների կողմից ընդունվող նորմատիվ իրավական ակտերը «Իրավական ակտերի մասին» Հայաստանի Հանրապետության օրենքի 34-րդ հոդվածի դրույթներին համապատասխան սահմանված կարգով և ժամկետներում ներկայացնել լիազորված պետական մարմին՝ պետական իրավական փորձաքննության և պետական գրանցման.
 - 3) մշակել, հաստատել և պետական գրանցում իրականացնելուց հետո սահմանված ժամկետում գործողության մեջ դնել առևտրի, հասարակական սննդի և սպասարկման ոլորտի գործունեության համայնքային կանոնները.
 - 4) նոր խմբագրությամբ մշակել, հաստատել և գործողության մեջ դնել համայնքային ծառայության մրցութային և ատեստավորման հանձնաժողովների աշխատակարգերը.
 - 5) աշխատանքներ տանել արոտավարձերի նախորդ տարիների ապառքների հավաքագրման ուղղությամբ.
 - 6) հաշվապահական հաշվառումն իրականացնել «Հաշվապահական հաշվառման մասին» Հայաստանի Հանրապետության օրենքի պահանջներին համապատասխան, մասնավորապես սկզբնական փաստաթղթերում առկա տեղեկությունները հաշվառել հաշվապահական հաշվառման գրանցամատյաններում, կազմել շրջանառության տեղեկագրեր և վարել գլխավոր գիրքը.
 - 7) սույն որոշմամբ ներկայացված առաջարկությունները քննարկել համայնքի ավագանու նիստում և ձեռնարկված միջոցների ու կատարված աշխատանքների մասին գրավոր տեղեկացնել մարզպետին մինչև ս/թ հուլիսի 25-ը:
2. Որոշման կատարման հսկողությունը վերապահել մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչությանը:
3. Սույն որոշումն ուժի մեջ է ստորագրման պահից:

ՄԱՐԶՊԵՏ՝